

# AUGLÝSING

## um starfsreglur kirkjuþings um prestssetrasjóð.

„STARFSREGLUR  
prestssetrasjóðs.

### Staða prestsseturs.

#### 1. gr.

Hvert lögboðið prestssetur er hluti af embætti prestsins. Prestur er vörslumaður prestsseturs og ber ábyrgð á því ásamt prestssetrasjóði, eins og nánar greinir í reglum þessum.

#### 2. gr.

Hvert lögboðið prestssetur er sérstök og sjálfstæð rekstrareining samkvæmt reglum þessum.

Hverju lögboðnu prestssetri tilheyrir fyrningarsjóður er varðveitist í prestssetrasjóði og sjóðstjórn stýrir. Úr fyrningarsjóði hvers prestsseturs greiðist kostnaður vegna prestssetursins, svo sem vegna nýframkvæmda og endurbóta, svo og annar tilfallandi kostnaður við prestssetrið, annar en sá sem prestur greiðir. Kostnaður við úttekt á prestssetri greiðist úr fyrningarsjóði þess, nema á annan veg sé mælt í reglum þessum, sbr. 9. gr. Hrökkvi innstæða á fyrningarsjóði prestsseturs ekki til greiðslu kostnaðar, leggur prestssetrasjóður fram það sem á vantar, að svo miklu leyti sem ekki koma til framlög frá öðrum svo sem sókn eða sóknum hlutaðeigandi prestakalls.

### Um afnota- og ráðstöfunarrétt prests á prestssetri.

#### 3. gr.

Prestur hefur öll lögmat og eðlileg afnot prestsseturs, meðan hann gegnir prests-embætti. Prestur hirðir arð af prestssetri og hlunnindum sem því kunna að fylgja nema sérstaklega sé undanskilið með lögum, samningi, eða með öðrum lögmætum hætti.

Prestur getur eigi ráðstafað prestssetri eða réttindum sem því tengjast, þannig að bindi prestssetrasjóð og/eða þannig að ráðstöfun gildi lengur en hann gegnir embætti sínu, án samþykkis stjórnar prestssetrasjóðs og annarra lögmæltra aðilja hverju sinni. Prestur getur heldur ekki, án samþykkis stjórnar prestssetrasjóðs, gert löggerninga sem fela í sér óeðlilega ráðstöfun prestsseturs, miðað við eðlileg og hefðbundin not þess.

Alla löggerninga, sem fela í sér varanlega skerðingu eða breytingu á prestssetri, ásýnd þess – eða viðbætur við prestssetrið – gerir stjórn prestssetrasjóðs, svo og löggerninga vegna réttinda sem undanskilin kunna að vera afnotarétti prests.

### Um smávægilegar lagfæringar og úrbætur á prestssetrum.

#### 4. gr.

Prestur ábyrgist og kostar minniháttar lagfæringar og úrbætur sem verður þörf á á prestssetri vegna venjulegrar notkunar á því.

Ef slíkra framkvæmda verður þörf vegna laklegs ástands prestsseturs, sem presti verður ekki gefin sök á, eða þeirra er oftast þörf en eðlilegt má telja, miðað við aðstæður allar, má þó undanskilja prest ábyrgð og kostnaði á því.

Stjórn prestssetrasjóðs og prestur geta samið á annan veg, ef ástand prestsseturs eða fyrirhugaðar framkvæmdir gera framkvæmdir samkvæmt 1. mgr. óþarfar eða ónauðsynlegar.

Ef þriðji maður hefur afnot hluta prestsseturs, samkvæmt löglegri skipan, má semja við hann um að sinna skyldum samkvæmt 1. mgr. svo og viðhaldi eignarhlutans, eins og

við á, en það leysir prest ekki undan skyldu samkvæmt 1. mgr., að því er þann hluta prestssetursins varðar, nema samningur varði réttindi sem undanskilin eru rétti prests til prestsseturs.

Prestur skal jafnframt gæta þess, eftir því sem hann hefur tök á, að nægilega tryggt sé í samningum að viðhaldi eigna á prestssetri í eigu þriðja manns, sem þar eru samkvæmt lögmatrí skipan, sé sinnt sómasamlega.

### Um afgang fyrir afnot af prestssetri.

#### 5. gr.

Stjórn prestssetrasjóðs ákveður árlega afgang, sem prestur innir af hendi vegna afnota sinna af prestssetri/prestssetursjörð, meðan hann gegnir embætti og fer með forráð prestssetursins/prestssetursjarðar, sbr. 2. gr. reglna þessara.

Til viðmiðunar árlegs afgangsskatts skal stjórn prestssetrasjóðs taka fasteignamat eignarinnar og þeirra hluta sem þar eru metnir og prestur hefur full umráð yfir, eins og það er 1. desember næst á undan gjaldaári, svo og einnig þau lögboðnu gjöld sem innt eru af hendi af hálfu prestssetrasjóðs vegna þessara sömu eigna.

Afgjaldið er ákvarðað fyrir hvert almanaksár og skal því jafnað niður á gjaldaárið með jöfnum mánaðarlegum greiðslum. Ákvörðun afgangsskatts skal vera lokið fyrir 1. mars á hverju gjaldaári.

Afgjaldið skal jafnan innt af hendi fyrirfram fyrir hvern mánuð og það dregið af launum prests eins og verið hefur.

Prestur greiðir ekki afgang fyrir eigin eignir á prestssetri/jörð, ef þær eru fyrir hendi. Þá greiðir prestur ekki afgang af þeim hluta prestsseturs/jörð er ekki nýttist honum og sem stjórn sjóðsins hefur samþykkt að prestur skuli ekki hafa afnot af eða umráð yfir.

#### 6. gr.

Stjórn prestssetrasjóðs getur að ósk prests lækkað afgang, fyrir prestssetur í eftirfarandi tilvikum:

1. Þegar einungis hluti prestsseturs getur nýst presti, af ástæðum sem honum verður ekki gefin sök á eða sem hann hefur ekki á valdi sínu að breyta.
2. Þegar í ljós þykir leitt að fasteignamat prestsseturs er hærra en nýtingarmöguleikar eða arðsemi þess er fyrir prestinn, eða í ósamræmi við þetta, svo sem vegna nálægðar við þéttbýli eða af öðrum orsökum, en orsakavaldur hins háa mats nýttist ekki presti, hvorki beint né óbeint.
3. Ef breytilegur rekstrarkostnaður prestsseturs er hærri en eðlilegt getur talist miðað við sambærilegar fasteignir.
4. Vegna löglegra leyfa.
5. Ef sérstakt álag er á prestssetri sem leiðir til sérstakra skyldna eða umönnunar við jörðina eða staðinn.

Endurgjald fellur þó ekki niður vegna sumarleyfa og gildir þar einu þótt um uppsafnað sumarleyfi kunni að vera að ræða.

Stjórn prestssetrasjóðs er heimilt að mæla svo fyrir að ákvarðanir um þessi efni skuli vera tímabundnar. Ákvörðun á grundvelli 4. t. gildir þó aldrei lengur en níu mánuði nema alveg sérstaklega standi á. Þá er heimilt að fella ákvörðun úr gildi ef forsendur hennar hafa breyst.

Ákvarðanir sjóðstjórnar samkvæmt 1.-3. t. falla sjálfkrafa úr gildi er prestur lætur af embætti og afhendir prestssetur.

Sjóðstjórn getur þó ákveðið að ákvarðanir um lækkan leigugjalds skuli haldast að einhverju eða öllu leyti áfram þótt prestaskipti verði.

Þegar svo hagar til, að leigugjald er lækkað á grundvelli 1. tl. þessarar greinar, skal að jafnaði litið svo á, að prestur fari áfram með umráð þess hluta prestssetursins og beri ábyrgð á honum eins og prestssetrinu að öðru leyti, ef svo vill verkast, en tekið skal tillit til þeirrar ábyrgðar svo og annarra kvaða eftir því sem við á við ákvörðun um lækkun á leigu.

Umráð prests og ábyrgð ná þó einungis til þeirra réttinda sem hann hefur á prestssetrinu en ekki þeirra sem kunna að hafa verið skilin undan, sbr. 2. gr. Prestur ber ekki ábyrgð á hugsanlegum eignum þriðja manns á prestssetri umfram það sem segir í 4. gr., nema þær séu til komnar samkvæmt samningi prests við þriðja mann og hann njóti afraksturs af þeim eignum.

#### 7. gr.

Prestssetrasjóður annast lögboðnar váttryggingar á prestssetrum. Innir sjóðurinn af hendi iðgjöld vegna nauðsynlegra váttrygginga prestssetra og öll fasteignagjöld af þeim, þ.m.t. fasteignum sem prestur kann sjálfur að eiga.

### Um framkvæmdir o.fl.

#### 8. gr.

Um stöðu prests og prestssetrasjóðs fer að öðru leyti eftir ákvæðum ábúðarlaga eða húsaleigulaga, eins og við getur átt.

### Um úttektir.

#### 9. gr.

Prestssetur skal ávallt tekið út við skil prests á því. Viðtakandi prestur á rétt á því að fá prestssetur tekið út í hendur sér ef 1. mgr. á ekki við, svo sem ef prestssetur hefur ekki verið setið, eða ef um nýtt prestssetur er að ræða.

Prestur á rétt á því að fá prestssetur tekið út, ef hann sýnir fram á nægilega hagsmuni sína af því.

Stjórn sjóðsins ákveður hverju sinni hvort prestssetur skuli tekið út eftir endurbætur á því.

Kostnaður við úttektir greiðist af prestssetrasjóði.

### Um hlutverk prófasta.

#### 10. gr.

Prófastur hefur eftirlit með prestssetrum í prófastsdæmi sínu, en stjórn prestssetrasjóðs með prestssetri prófasts, ef því er að skipta.

Prófastur skal gæta þess að prestssetur sé sæmilega setið og öll umhirða þess og umgengi um það viðunandi.

Prófastur heimtir skýrslur af prestum um framkvæmdir þeirra á prestssetrum, sem heimilaðar hafa verið, eða sem gerðar eru samkvæmt ábúðarlögum eða húsaleigulögum, svo og samkvæmt 4. gr. reglna þessara.

Prófastur hefur eftirlit með ástandi prestssetra í samráði við byggingaeftirlitsmann prestssetrasjóðs, eða annan sérfróðan mann, að fengnu samþykki eða eftir ákvörðun stjórnar prestssetrasjóðs.

Prófastur kannar í samráði við prest og stjórn prestssetrasjóðs hvort þörf er á nýskráningu eða afskráningu í fasteignamati á einstökum matshlutum prestsseturs eða hvort tilefni er til breytinga á því að öðru leyti.

Prófastur gætir að réttindum sem tilheyra prestssetrinu.

Prófastur skal að jafnaði sinna skyldum sínum samkvæmt þessu ákvæði einu sinni á ári.

Ef sérstaklega stendur á, svo sem vegna staðháttanna í prófastsdæmi, getur stjórn prestssetrasjóðs ákveðið, að ósk prófasts, að eftirliti með tilteknu prestssetri skuli sinnt af sjóðstjórn. Slík ákvörðun gildir þó aldrei lengur en fimm ár í senn og fellur þá sjálfkrafa úr gildi. Ákvörðun fellur jafnframt úr gildi, verði prófastaskipti í prófastsdæminu á tímanum.

### Um skýrslugjöf prófaste.

11. gr.

Ef stjórn prestssetrasjóðs fer þess á leit skal prestur færa sérstaka skýrslu um prestssetur sitt. Skýrslan skal gerð fyrir eitt almanaksár í senn og skal vera prófasti tiltæk eigi síðar en 1. mars næsta ár þar á eftir.

Í eftirlitsskýrslunni skal gerð grein fyrir þeim atriðum sem nefnd eru í 8. gr. Prófastur staðreynir að rétt sé greint frá í skýrslunni, með könnun á gögnum og athugun á prestssetri, eða með öðrum hætti, eftir því sem við á. Að því búnu áritar prófastur skýrsluna til staðfestu að þar sé rétt greint frá. Prófastur skal skila eftirlitsskýrslum fyrir 1. júní ár hvert til stjórnar prestssetrasjóðs. Heimilt er að víkja frá tímamörkum samkvæmt þessari og 1. mgr. ef sérstaklega stendur á.

Stjórn prestssetrasjóðs veitir almennar leiðbeiningar um frágang skýrslna. Stjórnin getur ákveðið að láta prestum og próföstum í té sérstök eyðublöð til þessara nota.

Prófastur skal að jafnaði fá öll erindi vegna prestssetra í prófastsdæmi sínu, er varða ráðstöfun þeirra, eða hluta þeirra til langframa, þ.m.t. vegna eigin prestsseturs og veita sjóðstjórn umsögn um þau. Prófastur aflar einnig umsagna lögbærra aðilja, fari stjórn prestssetrasjóðs þess á leit.

Prófastur gerir árlega greinargerð um þörf nýbygginga – eða kaupa – og endurbóta á prestssetrum í prófastsdæmi, svo og stærri viðhaldsframkvæmdir. Í greinargerð prófasts skal koma fram hvort möguleikar séu á framlögum frá öðrum til tiltekinn verkefna, svo sem sjóðum, stofnunum eða sóknum.

Prófastur getur, ef hann kys svo, gert tillögur um röð framkvæmda í prófastsdæminu.

Prófastur getur gert tillögur með sama hætti og vígslubiskupar, samkvæmt 3. mgr. 10. gr. Prófastur sendir, fyrir 1. nóvember ár hvert, vígslubiskupi greinargerð samkvæmt 5. mgr. þessarar greinar og tillögur samkvæmt 6. mgr., enda hafi samkomulag tekist samkvæmt 1. mgr. 10. gr., en ella sendir hann stjórn prestssetrasjóðs nefnd gögn.

### Stjórn úttekta.

12. gr.

Prófastur stýrir úttekt. Hann gætir þess að boða fulltrúa frá stjórn prestssetrasjóðs með hæfilegum fyrirvara, til að vera viðstaddan úttekt. Stjórn prestssetrasjóðs ákveður hvort tilefni er til að mæta við úttektina og tilkynnir prófasti, ef ekki verður mætt. Ef um minniháttar hagsmuni þykir vera að ræða, getur stjórn prestssetrasjóðs gert grein fyrir sjónarmiðum sínum og óskum skriflega, áður en til úttektar kemur og sent prófasti, er leggur það fyrir úttektarmenn.

### Um hlutverk vígslubiskupa.

13. gr.

Með samþykki biskups og vígslubiskupa má fela vígslubiskupum verkefni samkvæmt ákvæði þessu.

Vígslubiskup heimtir af próföstum fyrir 1. apríl ár hvert, greinargerð um þörf nýbygginga – eða kaupa – og endurbóta á prestssetrum í umdæmi, svo og viðhald, sem ekki greiðist af presti. Vígslubiskup sendir tillögur prófaste til stjórnar prestssetrasjóðs, ásamt tillögum sínum og athugasemdum um röð framkvæmda.

Vígslubiskupar geta gert tillögur til stjórnar prestssetrasjóðs um hvaðeina sem varðar prestssetrin, umbúnað þeirra, notkun og ásýnd. Þeir geta enn fremur gert tillögur í þessu sambandi sem varða menningarlega sérstöðu prestsseturs, svo sem vegna sögu þess, fornminja, náttúrufergurðar, náttúruminja og annarra slíkra þátta.

### **Um stjórn prestssetrasjóðs.**

14. gr.

Stjórn prestssetrasjóðs fer með yfirstjórn prestssetra.

Stjórnin stýrir prestssetrasjóði og ákveður ráðstöfun inneigna á fyrningarsjóðum prestssetra, samkvæmt 2. gr. Stjórnin ákveður hvernig rekstri sjóðsins er hagað. Sérstakur framkvæmdastjóri fer með daglega stjórn sjóðsins.

Stjórn prestssetrasjóðs hefur hlutverk landsdrottins gagnvart prestum á prestssetursjörðum samkvæmt ábúðarlögum og öðrum lögum og hlutverk leigusala gagnvart presti í prestsbústað samkvæmt húsaleigulögum, með þeim afbrigðum sem kunna að leiða af lögum um prestssetur og reglum þessum, svo og sérstöðu prestssetra að öðru leyti.

### **Um gæslu hagsmuna og fyrirsva.**

15. gr.

Stjórn prestssetrasjóðs hefur almennt fyrirsva vegna prestssetra út á við svo sem gagnvart stjórnvöldum og Alþingi, og í dómsmálum þeirra vegna, og gætir almennra og sérstakra hagsmuna prestssetra í samráði við hlutaðeigandi prest, prófast og vígslubiskup, eins og við á.

Stjórn prestssetrasjóðs hefur gætur á lagasetningu, lagabreytingum eða setningu eða breytingu stjórnvaldsfyrirmæla á sviði kirkjumála. Sjóðstjórn skal hafa sérstakar gætur á lögum um prestaköll og prófastsdæmi, þar sem mælt er fyrir um lögboðin prestssetur. Hún gætir einnig sérstaklega að fyrirætlunum um ný prestsembætti önnur en sóknarprestsembætti, einkum utan Reykjavíkur, vegna réttar slíks prests á prestssetri samkvæmt lögum. Þá hefur stjórnin gætur á breytingum á öðrum lögum og reglum, sem geta varðað viðfangs-efni stjórnarinnar beint eða óbeint.

Stjórnin mun leitast við að sjá til þess að prestsembætti sem lögboðið prestssetur fylgir, verði ekki auglýst án þess að fram komi að umsækjendur geti kynnt sér þau réttindi og þær skyldur sem fylgja embættinu gagnvart prestssetrinu.

### **Um heimildarskjöl.**

16. gr.

Sjóðstjórn gerir almennt byggingarbréf fyrir prestssetursjarðir og almennan samning vegna prestsbústaða. Hið almenna byggingarbréf og hinn almenni samningur ásamt reglum þessum skal liggja frammi á biskupsstofu og hjá próföstum til sýnis fyrir umsækjendur um prestsembætti þar sem prestssetur fylgir.

Á grundvelli þessara skjala skal gerður samningur milli prests og prestssetrasjóðs um umráð og afnot prests af prestssetri.

### **Um ásýnd prestssetra o.fl.**

17. gr.

Stjórn prestssetrasjóðs ákveður, að höfðu samráði við hlutaðeigandi prest og prófast, svo og vígslubiskup, ef því er að skipta hvernig ásýnd (fyrirkomulag) prestsseturs er, bæði að utan og innan. Með ásýnd prestsseturs er átt við hvernig útlit þess er, svo sem eins og staðsetning húsa, litir þeirra, girðingar, innréttingar, gerð og staðsetning bifreiðageymslna, bifreiðastæða, allt efnisval o.s.frv.

Stjórn prestssetrasjóðs ákveður hvernig umbúnaður á prestssetri er, vegna ferðapjónustu, fornminja, náttúruminja og annars þess háttar, sem lýtur að ytri ásýnd prestssetranna, að því leyti sem lög eða samningar mæla ekki á annan veg eða eðli málsins er með þeim hætti.

### **Um nýbyggingar og framkvæmdir prestssetrasjóðs á prestssetrum.**

18. gr.

Stjórn prestssetrasjóðs tekur ákvarðanir um nýbyggingar á prestssetrum að fenginni umsögn prófasta og tillögum þeirra og vígslubiskupa, ef því er að skipta. Stjórnin leitar umsagnar kirkjuráðs í því sambandi telji hún þess þörf.

Stjórn prestssetrasjóðs tekur einnig ákvarðanir um kaup og leigu fasteigna til nota sem prestssetur.

Sjóðstjórn annast um framkvæmd nýbygginga og kaupa og leigu fasteigna til nota sem prestssetur, en getur þó samið á annan veg þyki það hentugra.

Stjórn prestssetrasjóðs ákveður hverjar framkvæmdir til endurbóta á prestssetrum skuli ráðist í og röð þeirra, að fengnum tillögum vígslubiskupa og prófasta, ef því er að skipta. Stjórnin annast um framkvæmdirnar, en getur falið öðrum það, þyki það hentugra.

### **Annað.**

19. gr.

Þar sem sóknarprestsembætti er án prestsseturs, er stjórn sjóðsins heimilt að taka ákvarðanir um nýbyggingar eða kaup fasteigna, að hluta til eða öllu leyti, til nota sem prestssetur. Þessi heimild skal þó háð því skilyrði, að viðbótarframlag fáiast í sjóðinn t.d. frá viðkomandi sóknum eða öðrum aðilum, enda heyri sú fasteign eða hluti fasteignar undir sjóðstjórn og verði hluti af embætti sóknarprests á viðkomandi stað.

Um afnot prests og ábyrgð á þeirri eign eða eignahluta, skulu gilda sömu reglur og um önnur prestssetur.

20. gr.

Ef prestssetur er ekki setið af presti, vegna þess að prestakall er prestslaust eða vegna samnings milli prests og stjórnar um slíka ráðstöfun, með samþykki þeirra aðilja sem lög ákveða, fer prestssetrasjóður með öll réttindi og skyldur sem prestssetrið varða og ákveður stjórn prestssetrasjóðs hvernig prestssetrinu skuli ráðstafað og/eða um það sinnt. Þess skal ávallt gætt að prestssetur sé laust til afnota fyrir prest, jafnskjótt og hann tekur við embætti eða eins fljótt og verða má eftir þann dag.

Ef prestssetur er ekki setið af presti til frambúðar eða um lengri tíma, m.a. vegna sameiningar prestakalla, skal stjórn prestssetrasjóðs fara með vörslu og fyrirvar prestssetursins.

Stjórn prestssetrasjóðs getur samið við prófast um að hafa eftirlit með ósetnu prestssetri og sjá um málefni þess, eða prestssetri sem leigt hefur verið öðrum en presti.

Sé prestssetur leigt öðrum en presti, semur stjórn sjóðsins um leigukjör við hlutaðeigandi, sbr. þó 4. mgr. Presti er heimilt, með samþykki stjórnar prestssetrasjóðs, að leigja prestssetur þriðja manni um skamma hríð, svo sem t.d. meðan prestur er fjarverandi í námsleyfi. Skal þá litið svo á að prestur beri fulla ábyrgð á prestssetrinu, eins og hann sæti það með venjulegum hætti, sbr. 1. og 2. gr. reglna þessara.

21. gr.

Starfsreglur þessar sem settar eru með heimild í 59. gr. laga um stöðu, stjórn og starfshætti þjóðkirkjunnar nr. 78/1997 öðlast gildi nú þegar.

*Gjört í Reykjavík, 15. nóvember 1999.*

Jón Helgason  
forseti kirkjupings.

Gunnar Sveinsson  
þingskrifari.“

Starfsreglur þessar eru hér með kunngerðar almenningi.

*Reykjavík, 15. nóvember 1999.*

F. h. kirkjuráðs,

**Karl Sigurbjörnsson** biskup Íslands.

## REGLUGERÐ

### um einkennisfatnað fangavarða og forstöðumanna fangelsa, merki þeirra og öryggisbúnað.

#### 1. Gerð fatnaðar.

##### A. Einkennisfatnaður.

1.1 Húfa skal vera úr bláu efni með 5 cm breiðri uppistandandi gjörð, 5 cm breiðri reisin, kringlóttum, flötum kalli, gljáleðurskyggni og hökuól, er fest sé á gjörðina með tveimur litlum einkennishnöppum. Á gjörðinni skal vera svartur borði úr upphleyptu efni.

Framan á reisininni skal vera skjaldarmerki ríkisins, 4 cm að hæð, úr málm. Undir merkinu skal vera jafnstór hringur úr mjúku svörtu plastefni eða svörtu taui.

Húfa skal borin samkvæmt sérstakri ákvörðun yfirmanns í fangelsi hverju sinni.

1.2 Jakki skal vera úr bláu klæðisefni úr blöndu af ullarefni og gerviefni sem ákveðin er af fangelsismálastofnun, einhnepptur með þremur einkennishnöppum, með venjulegum kraga.

Á hvorri ermi skulu vera þrjú litlir einkennishnappar, fremst meðfram ermasaum.

Á jakkanum skal vera einn brjóstvasi vinstra megin og tveir innri brjóstvasar. Einnig skulu vera tveir hliðarvasar.

1.3 Buxur skulu vera úr sama efni og jakki, án uppbrota, með fjórum vösum.

1.4 Skyrta skal vera ljósblá úr blöndu af bómull og gerviefni, sem ákveðin er af fangelsismálastofnun, heilerna með venjulegum kraga. Á henni skulu vera axlasmeygar með tilheyrandi stöðutákni hlutaðeigandi starfsmanns. Á skyrtunni skulu vera tveir djúpír brjóstvasar með loki, en þó skal vera u.p.b. 2 cm opið bil þar sem lok er saumað fast innanvert á vasaloki. Armmerki út taui með áletruninni fangavörður skal vera fest á vinstri ermi, og skal efri brún vera 7 cm fyrir neðan axlasaum.

1.5 Peysa skal vera blá að lit, sem ákveðin er af fangelsismálastofnun. Hún skal búin axlasmeygum með tilheyrandi stöðutákni hlutaðeigandi starfsmanns og armmerki úr taui með áletruninni fangavörður skal fest á vinstri ermi eins og um skyrtu væri að ræða. Um heila peysu er að ræða með v-laga hálsmáli.

1.6 Hálsbindi skal vera úr tauefni í sama lit og jakki og buxur.

1.7 Fjölnotaúlpa skal vera af vandaðri gerð og skal efni hennar vera viðurkennt vatns- og vindhelt úlpuefni. Gert skal ráð fyrir að úlpan sé nothæf sem yfirhöfn allt árið og skal